

# **Тропари, кондаки и величания общие святым**

## **В праздники Богородичные**

### **Тропарь, глас 4-й**

К Богородице прилѣжно ныне притецѣм, грѣшнии и смиреннии, и припадѣм, в покаянии зовуще из глубины душ: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо едина надежду имамы.

### **Другой тропарь, глас тот же**

Не умолчим никогда, Богородице, силы Твоя глаголати недостойнии, аще бо Ты не бы предстояла молящи, кто бы нас избавил от толиких бед? Кто же бы сохранил доныне свободны? Не отступим, Владычице, от Тебе, Твоя бо рабы спасаеши присно от всяких лютых.

### **Кондак, глас 6-й**

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствуя присно, Богородице, чтущих Тя.

### **Другой кондак, глас 6-й**

Не имамы инья помощи, не имамы инья надежды, разве Тебе, Владычице, Ты нам помози, на Тебе надеемся и Тобою хвалимся, Твой бо есмь рабы, да не постыдимся.

### **Величание**

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.

## **Небесным силам бесплотным**

### **Тропарь, глас 4-й**

Небесных воинств Архистратизи, молим вас присно мы недостойнии, да вашими молитвами оградите нас кровом крил невещественная ваша славы, сохраняюще нас, припадающих прилѣжно и вопиющих: от бед избавите нас, яко чиновачальницы Вышних сил.

### **Кондак, глас 2-й**

Архистратизи Божии, служителие Божественная славы, Ангелов начальницы и человеков наставницы, полезное нам просите и велию милость, яко бесплотных Архистратизи.

### **Величание**

Величаем вас, Архангели и Ангели и вся воинства, Херувими и Серафими, славыяща Господа.

## **Пророку**

### **Тропарь, глас 2-й**

Проро́ка Твоего́ (*имярек*) па́мь, Го́споди, пра́зднующе, тем Тя мо́лим, спаси́ ду́ши на́ша.

#### **Кондак, глас 4-й**

Просвети́вшееся Ду́хом чи́стое твоё се́рдце проро́чества бысть светлейшаго приятелище: зриши бо, я́ко настоя́щая, далече су́щая; сего́ ра́ди ты почита́ем, проро́че блаже́нне (*имярек*), сла́вне.

#### **Величание**

Велича́ем тя, святы́й проро́че Бо́жий (*имярек*), и чтим святу́ю па́мь твою́, ты бо мо́лиши за нас Христа́ Бо́га на́шего.

### **Апосто́лу**

#### **Тропа́рь, глас 3-й**

Апо́столе святы́й (*имярек*), моли́ ми́лостиваго Бо́га, да прегреше́ний оставле́ние пода́ст душáм на́шим.

#### **Кондак, глас 4-й**

Я́ко звезду́ пресве́тлую Це́рковь всегда́ стяжа́ ты, апо́столе (*имярек*), чуде́с твои́х многоподава́нием просвеща́ема. Те́мже зове́м Христу́: спаси́ чту́щих ве́рою па́мь Твоего́ апо́стола, Многоми́лостиве.

#### **Величание**

Велича́ем тя, апо́столе Христов (и́мярек), и чтим бо́лезни и труды́ тво́я, и́миже труди́лся еси́ во благове́стии Христо́ве.

### **Апосто́лам**

#### **Тропа́рь, глас 3-й**

Апо́столи святы́и, моли́те ми́лостиваго Бо́га, да прегреше́ний оставле́ние пода́ст душáм на́шим.

#### **Кондак, глас 4-й**

Лозие яви́стесь Христо́ва виногра́да му́дрии, гро́здие принося́ще в добродетелех, вино́ нам спасе́ния источа́юще: е́гоже прие́млем, весе́лия исполня́ющиеся. Пра́зднуем честну́ю ва́шу па́мь, в ну́же молите дарова́тися нам вели́цей ми́лости и отпу́щению грехо́в, Госпо́дни апо́столи.

### **Святителю́**

#### **Тропа́рь, глас 4-й**

Пра́вило ве́ры и о́браз крото́сти, воздержáния учителя, яви ты стаду твоему́ Я́же веще́й истина; сего́ ради стяжа́л еси́ смире́нием высо́кая, нището́ю бога́тая, о́тче священнонача́льниче (*имярек*), моли Христа́ Бо́га спастися душáм на́шим.

#### **Кондак, глас 2-й**

Боже́ственный гром, труба́ духо́вная, ве́ры насади́телю и отсека́телю ересей, Трои́цы уго́дниче, вели́кий святителю́ (*имярек*), со А́нгелы предстоя́ при́сно, моли́ непреста́нно о всех нас.

#### **Величание**

Велича́ем тя, святите́лю о́тче (*имярек*), и чтим святу́ю па́мять твою́, ты бо мо́лиши за нас Христа́ Бо́га на́шего.

## **Святителям**

### **Тропарь, глас 4-й**

Бо́же оте́ц на́ших, творя́й при́сно с на́ми по Тво́ей крото́сти, не отста́ви ми́лость Твою́ от нас, но моли́твами их в ми́ре упрáви живо́т наш.

### **Кондак, глас 8-й**

Я́ко добродете́лей учи́телие и иера́рхов украше́ние, Це́рковь, пою́щи, вас сла́вит: моли́твами ва́шими пода́йте чту́щим вас любо́вию добродете́лей исправле́ние и собла́знов избавле́ние, я́ко непобеди́мии.

## **Мученику**

### **Тропарь, глас 4-й**

Му́ченик Твой, Го́споди, (*имярек*), во страда́нии сво́ем вене́ц при́ят нетле́нный от Тебе́, Бо́га на́шего; име́яй бо крѣ́пость Твою́, мучи́телей низложи́, сокруши́ и де́монов немощны́я дерзости. Того моли́твами спаси ду́ши на́ша.

### **Кондак, глас 2-й**

Звезда́ све́тлая яви́лся еси́ непреле́стная ми́рови, Со́лнца Христа́ возвеща́я заря́ми твои́ми, страстоте́рпче (*имярек*), и преле́сть погаси́л еси́ всю, нам же пода́еши свет, моля́ся непреста́нно о всех нас.

### **Величание**

Велича́ем тя, страстоте́рпче святы́й (*имярек*), и чтим честна́я страда́ния тво́я, я́же за Христа́ претерпе́л еси́.

## **Мученице**

### **Тропарь, глас 4-й**

А́гница Тво́я, Иису́се, (*имярек*), зовет ве́лиим гла́сом: Тебе́, Женише́ мой, люблю́, и Тебе́ и́щущи, страда́льчествоую и сраспина́юся и спогребáюся Креще́нию Тво́ему и стражду́ Тебе́ ра́ди, я́ко да ца́рствую в Тебе́ и умира́ю за Тя, да и живу́ с Тобо́ю; но я́ко же́ртву непоро́чную приими́ мя, с любо́вию пожёршующя Тебе́. То́я моли́твами, я́ко Ми́лостив, спаси́ ду́ши на́ша.

### **Кондак, глас 2-й**

Храм твой всечестны́й, я́ко цельбу́ душе́вную обрѣ́тше, вси ве́рнии велегла́сно вопие́м ти: де́во му́ченице (*имярек*) великоиме́нитая, Христа́ Бо́га моли́ непреста́нно о всех нас.

### **Величание**

Велича́ем тя, страстоте́рпице Христо́ва (*имярек*), и чтим честно́е страда́ние тво́е, е́же за Христа́ претерпе́ла еси́.

## **Мученикам**

### **Тропарь, глас 4-й**

Мученицы Твои, Господи, во страданиях своих венцы прияша нетленные от Тебе, Бога нашего: имуще бо крепость Твою, мучителей низложиша, сокрушиша и демонов немощныя дерзости; тех молитвами спаси души наша.

### **Кондак, глас 2-й**

Светильницы светлии явльшися, Божественнии мученицы, тварь всю светлостию чудес озаряете, недуги разрешающе и глубокую тьму всегда отгоняюще, Христу Богу молящися непрестанно о всех нас.

## **Священномученику**

### **Тропарь, глас 4-й**

И нравом причастник, и престолом наместник апостолом быв, деяние обрел еси, Богодухновенне, в видения восход: сего ради, слово истины исправляя, и веры ради пострадал еси даже до крове. Священномучениче (имярек), моли Христа Бога спастися душам нашим.

### **Кондак, глас тот же**

Во святителях благочестно пожив и мучения путь прошед, идолийския угасил еси жертвы, и поборник быв твоему стаду, богомудре. Темже ты почитающе, тайно вопием ти: от бед избави ны присно твоими мольбами, отче наш (имярек).

## **Священномученикам**

### **Тропарь, глас 4-й**

Боже отец наших, творяй присно с нами по Твоей кротости, не остави милость Твою от нас, но молитвами их в мире управи живот наш.

### **Кондак, глас 3-й**

Яко светильники незаходимыя разумнаго Солнца, сошедшися днесь восхвалим песньми: возсияли бо есте сущим во тьме неразумия, всех созывающе к высоте благочестия, священномученицы. Тем вопием вам: радуйтесь, постников всех основание.

## **Преподобному**

### **Тропарь, глас 4-й**

В тебе, отче, известно спасеся еже по образу: приим бо крест, последовал еси Христу, и дея учил еси презирати убо плоть, преходит бо, прилежати же о души, вещи безсмертней; темже и со Ангелы срадуется, преподобне (имярек), дух твой.

### **Кондак, глас 2-й**

Чистотою душевною божественне вооружився и непрестанныя молитвы, яко копие, вручив крепко, пробол еси бесовская ополчения, (имярек) отче наш, моли непрестанно о всех нас.

### **Величание**

Ублажаем тя, преподобне отче (имярек), и чтим святую память твою, наставниче монахов и собеседниче Ангелов.

## **Преподобной**

### **Тропарь, глас 4-й**

В тебе, ма́ти, извѣстно спасѣся е́же по образу: при́ймши бо крест, послѣдовала еси́ Христу́ и де́ющи учи́ла еси́ презира́ти у́бо плоть, прехо́дит бо, прилежа́ти же о ду́ши, ве́щи безсме́ртней; те́мже и со А́нгелы сра́дуется, преподо́бная (*имярек*), дух твой.

### **Кондак, глас 2-й**

За любо́вь Господню́, преподо́бная, покóя желáние возненавѣдела еси́, пощѣнием дух твой просветѣвши: крѣпко бо звери победи́ла еси́; но моли́твами тво́ими проти́вных шата́ние разори́.

### **Величание**

Ублажа́ем тя, преподо́бная ма́ти (*имярек*), и чтим святу́ю па́мь твою́: ты бо мо́лиши за нас Христа́ Бо́га на́шего.

## **Преподобным**

### **Тропарь, глас 4-й**

Бо́же оте́ц на́ших, творя́й при́сно с на́ми по Твое́й кро́тости, не отста́ви ми́лость Твою́ от нас, но моли́твами их в ми́ре упрáви живóт наш.

### **Кондак, глас 2-й**

Волне́ний мно́жество невла́жно проходя́ще, безплóтныя враги́ стру́ями слез ва́ших крѣпко погрузи́ли естѣ, богому́дрии и преподо́бнии, и чуде́с дар при́ймше, моли́те непреста́нно о всех нас.

## **Бессребреникам**

### **Тропарь, глас 8-й**

Святѣи безсрѣбреницы и чудотворцы, посетѣте не́мощи на́ша: ту́не при́ясте, ту́не дади́те нам.

### **Кондак, глас 2-й**

Благодать при́ймше исцелѣний, простира́ете здравие сущим в ну́ждах, вра́чеве, чудотво́рцы пресла́внии; но вашим посещѣнием рáтников дѣрзости низложите, мир исцеля́юще чудесы́.

### **Величание**

Величаем вас, чудотворцы сла́внии (*имена их*), и чтим честная страдания ваша, яже за Христа претерпѣли естѣ.

## **Христа ради юродивому**

### **Тропарь, глас 1-й**

Глас апостола Твоего Павла услы́шав, глаго́лющ: мы юрóди Христа́ ради, раб Твой, Христе Бо́же (*имярек*), юрóд бысть на землѣ Тебе́ ра́ди; темже память его́ почита́юще, Тебе́ молим, Господи, спаси души наша.

### **Кондак, глас 8-й**

Вышняя красоты желая, и нижняя сласти телесныя тощно оставил еси, нестяжанием суетнаго мира Ангельское житие преходя, скончався, (*имярек*) блаженне; с нимиже Христа Бога моли непрестанно о всех нас.

**Величание**

Ублажаем тя, святый праведный (*имярек*), и чтим святую память твою: ты бо молиши за нас Христа Бога нашего.